

" মিষ্টি বাচ্চারা - তোমাদের বাবা সমান সত্যকার পয়গম্বর বা প্রভু-বার্তা প্রেরক (messenger) তৈরি হতে হবে , সবাইকে ঘরে ফিরে যাওয়ার সন্দেশ দিতে হবে "

প্রশ্নঃ - আজকাল মানুষের বুদ্ধি কোন দিশায় ছুটে বেড়াচ্ছে ?

উত্তরঃ - ফ্যাশনের দিকে । মানুষ নানাপ্রকার ফ্যাশনে নিজেকে সাজিয়ে তুলতে সচেষ্ট । এই ফ্যাশনের আকর্ষণ এসেছে চিত্রের মাধ্যমে । ভাবে , পার্বতীও এইরকম ফ্যাশন করত , কেশগুচ্ছ নানাভাবে সাজাত । বাবা বাচ্চাদের বোঝাচ্ছেন , এই পতিত দুনিয়ার সজ্জায় না সাজতে । তিনি বলছেন - "আমি তোমাদের এমন দুনিয়ায় নিয়ে চলেছি যেখানে স্বাভাবিক সৌন্দর্য অতি সরল একটা ব্যাপার । সেখানে ফ্যাশনের কোনও আবশ্যিকতা নেই ।"

গীত :- তুমিই মাতা , পিতাও তুমি . . .

ওম্ শান্তি । বাচ্চারা এই গান শুনেছে । যখন মহিমা করে তখন বুদ্ধি খুব তীক্ষ্ণ থাকে । আত্মাই বাবাকে বলে , উঁনি কান্ডারী (জীবনরূপী তরলীকে ভবসাগর পার করিয়ে দেন) , পতিত-পাবন অথবা সত্যকার অগ্রদূত । বাবা এসে আত্মাদের বার্তা দেন আর যাদের মেসেঞ্জার বা পয়গম্বর বলা হয় , তাদের মধ্যে কেউ বড় আবার কেউ ছোট । বাস্তবে সে মেসেজ বা আমন্ত্রণ জানায় না । এরা তো ভুল মহিমা বর্ণন করেছে । বাচ্চারা বোঝে এক বাবা ব্যতীত এই মনুষ্যসৃষ্টিতে আর কারও মহিমা হয় না । সবচেয়ে বেশি মহিমা গাওয়া হয় এই লক্ষ্মী-নারায়ণের , কারণ এঁরা নতুন দুনিয়ার মালিক । সেও ভারতবাসী জানে । ভারতবাসী সবই জানে । এই দুনিয়ার লোকেরা শুধু জানে , ভারত প্রাচীন দেশ ছিল । ভারতেই দেবী-দেবতাদের রাজ্য ছিল । কৃষ্ণকেও ভগবানের আখ্যা দেয় । ভারতবাসী এঁদের অর্থাৎ লক্ষ্মী-নারায়ণকে ভগবান -ভগবতীর মান্যতা দেয় । কিন্তু কারোর এই জ্ঞান নেই যে , এই ভগবান-ভগবতী সত্যযুগে রাজ্য করত । ভগবান দেবী-দেবতার রাজ্য স্থাপন করেছেন । বুদ্ধিও বলে , আমরা ভগবানের সন্তান যখন , তখন তো আমাদেরও ভগবান-ভগবতীই হওয়া উচিত । সকলেই তো এক শিব ভগবানের সন্তান । কিন্তু ভগবান-ভগবতী বলা যাবেনা । তাঁরা সকলে দেবী-দেবতা । এত কিছু বাবা সব বসে বুঝিয়ে দেন । ভারতবাসী বলবে , আমরা ভারতবাসী প্রথমে নতুন দুনিয়ায় ছিলাম । সকলেই নতুন দুনিয়ার স্বপ্ন দেখে । বাপুজীও নতুন দুনিয়ার স্বপ্ন দেখেছিলেন , নতুন রামরাজ্য । কিন্তু রামরাজ্যের অর্থ একদম বুঝতে পারেনা । আজকাল মানুষের মধ্যে অহংকার অনেক বেড়ে গেছে । কলিযুগ পাথরবুদ্ধির বশে থাকে , আর সত্যযুগে পারসবুদ্ধি । কিন্তু এসব কারও বোধগম্য হয়না । ভারতই সত্যযুগে পারসবুদ্ধির সাহচর্যে ছিল । সেই ভারত এখন কলিযুগে এসে পাথরবুদ্ধিতে আচ্ছন্ন । মানুষ একেই স্বর্গ বলে মানে । বলবে , স্বর্গে বিমান , বড় বড় মহল যা কিছু ছিল তার সবই তো এই দুনিয়ায় আছে । বিজ্ঞানের প্রভূত উন্নতির ফলে সুখের সকল সাধন এখন মানুষের হাতের মুঠোয় , ফ্যাশন ইত্যাদিরও কত রকমফের । বুদ্ধি সারাদিন ফ্যাশনের পিছনে ব্যয় হয়ে যাচ্ছে । কৃত্রিম উপায়ে সুন্দর হওয়ার জন্য কেশ-কলাপের (চুলের গোছা ) কত সজ্জা । এসবের জন্য কত অর্থব্যয় ! এই সমস্ত ফ্যাশন এসেছে বিজ্ঞাপিত চিত্রের মাধ্যমে । ভাবে ,

পার্বতীর মতো কেশদাম সাজালে পার্বতী হওয়া যায় । পূর্বে পার্শ্ব লোকেদের স্ত্রী-এরা মুখের ওপর কালো সুতোর জালি লাগাত , যাতে মুখ দেখে কারও মনে প্রেমের ভাবনা না জাগে । এই সকল নিয়ম-বন্ধনই পতিত দুনিয়ার পরিচায়ক । গানের কলিতে সুর তোলে তুমিই মাতা , পিতাও তুমি . . . কিন্তু গানের এই কথা কার উদ্দেশ্যে ? মাতা-পিতা কে - তাও জানেনা । মাতা-পিতাই নিশ্চয় বিশ্বের রাজস্ব উপহার দেন । বাবা তোমাদের সুখের রাজস্ব দিয়েছিলেন । বলে , বাবা আমরা আপনি ব্যতীত কারও থেকে শুনব না । এখন তোমরা জেনেছ শিববাবার মহিমা গাওয়া হয় । ব্রহ্মার আত্মাও বলে - আমরা যে পবিত্র ছিলাম সেই আমরাই .আবার পতিত হয়েছি । ব্রহ্মার বাচ্চারাও এইভাবে বলবে , আমরা ব্রহ্মাকুমার -কুমারীরা দেবী-দেবতা ছিলাম , ৮৪ জন্মের অন্তে আবার পতিত হয়েছি । পুরুষার্থ অনুসারে যে যেমন শ্রেষ্ঠত্ব প্রাপ্ত করেছিল তার অধোগতি সেই শ্রেষ্ঠত্বের পরিপ্রেক্ষিতে হয় । বাবা শ্রেষ্ঠ , বাচ্চারাও শ্রেষ্ঠ । এরা নিজেরাই বলে , শিববাবাও বলেন , আমি আসি- বাচ্চাদের বহু জন্মের অস্তিত্বে । যাঁরা শ্রেষ্ঠত্বের বিচারে পূজ্য লক্ষ্মী-নারায়ণের রাজস্ব ছিলেন । বর্তমান সময় হলো সঙ্গম , তোমরা কলিযুগে ছিলে , এখন সঙ্গমযুগীয় হয়েছ । বাবা সঙ্গমেই আসেন , ড্রামা অনুসারে বাচ্চাদের সংখ্যা ধীরে ধীরে বাড়তে থাকে । বাচ্চারা এখন জ্ঞানে থাকায় বুঝতে পারে , আমরা যে দেবতা ছিলাম সেই তাঁরাই আবার ক্রমানুসারে ক্ষত্রিয় , বৈশ্য , শূদ্র অবস্থায় নেমে আসে । সারা চক্র তোমরা যথার্থভাবে জেনেছ । এই বিষয় তো খুবই সহজ , আমরা ৮৪ জন্মের চক্রে ফিরে ফিরে আসি । কারও কারও বুদ্ধিতে এই সহজ কথাটা বোধগম্য হয়না । স্টুডেন্টদের মধ্যে নম্বরবিশিষ্ট ভালো-মন্দ থাকেই । ডান মার্গ থেকে শুরু করলে অর্থাৎ সত্য-এতায় যারা রাজস্ব করেছিল তারা প্রথম শ্রেণীর স্টুডেন্ট , দ্বাপর-এ যারা ছিল তারা দ্বিতীয় শ্রেণীর , কলিতে এসেছিল যারা, তৃতীয় শ্রেণীর । বাচ্চারা নিজেরাও বলে আমাদের বুদ্ধি তৃতীয় শ্রেণীর , আমরা কাউকে বুঝাতে পারিনা । আন্তরিক ইচ্ছা থাকা সত্ত্বেও বলতে পারিনা , বাবা কি করা যায় ? এই হলো নিজের কর্মের হিসাব-নিকাশ । বাবা এখন বলছেন - আমি তোমাদেরই করা কর্ম -বিকর্মের গতির জ্ঞান শুনাই । কর্ম যে করতে হবে তা 'তোমরা-বাচ্চারা জানো । তৃতীয় শ্রেণীভুক্ত বাচ্চাদের বুদ্ধি এই জ্ঞান বুঝতে পারেনা । এই হলো রাবণ রাজ্য । দুনিয়াতে মানুষ গুরুর স্মরণাপন্ন হয় , সদগতি প্রাপ্ত করতে । মনে করে গুরুই মুক্তি দিয়ে পরমধামে নিয়ে যাবে । পরমধাম হলো নির্বাণধাম - বাণী সে পরে অড্রামা প্ল্যান অনুসারে রাবণ রাজ্যে মানুষ বিকর্ম করবে এবং অধোগতি প্রাপ্ত হবে । দুঃখের দুনিয়াতে মানুষ গুরুর স্মরণাপন্ন হয় , সদগতি প্রাপ্ত করতে । মনে করে গুরুই মুক্তি দিয়ে পরমধামে নিয়ে যাবে । পরমধাম হলো নির্বাণধাম - বাণী সে পরে অর্থাৎ নিস্তরঙ্গ , নিস্তরঙ্গ , কোলাহলহীন জগত । মানুষ ভাবে বাণপ্রস্থই মুক্তির সহজ উপায় । বাণপ্রস্থে যাওয়ার আগে মানুষ তার যাবতীয় ধনসম্পদ বাচ্চাদের হাতে সঁপে দিয়ে গুরুর স্মরণাপন্ন হয় । খাওয়া-দাওয়ার ব্যবস্থা বাচ্চারাই করে । কিন্তু বাণপ্রস্থের অর্থ কেউ বুঝতে পারেনা । কারও বুদ্ধিতে আসেনা আমাদের নির্বাণধামে , নিজের ঘরে যেতে হবে । দুনিয়ার মানুষ ঘরে ফিরে যাওয়া কি জানেনা । তারা জানে , মৃত্যুপরবর্তী সময়ে জ্যোতি জ্যোতির সাথে লীন হয়ে যায় । নির্বাণধামে আত্মাদের থাকার স্থান । আগে ষাট বছর বয়সের পরে বানপ্রস্থ নিত , যেন এটা একটা নিয়ম । এখনও মানুষ এইসব করে । তোমরা এখন বোঝাতে পার নিঃশব্দ ও পবিত্র জগতে কেউ যেতে পারেনা । এইজন্য পতিত -পাবন বাবাকে আহ্বান করে পবিত্র করে গড়ে ঘরে নিয়ে যাওয়ার কথা বলতে হয় ; মুক্তিধামই আত্মাদের ঘর । তোমাদের বাচ্চাদের সত্যযুগ সম্পর্কে বোঝানো হয় - সেখানে কারা থাকে এবং তারা কি ধরনের বুদ্ধি পোষণ করে । আদমশুমারিও কেউ জানেনা । রামরাজ্যে কতই বা জনসংখ্যা হবে । শিশু ইত্যাদিও কিভাবে জন্ম নেবে , এসবের কিছুই বুঝতে পারেনা । কোনও বিদ্বান , আচার্য , পণ্ডিত নেই যিনি এই ড্রামার চক্র

বোঝাতে পারেন। ৮৪ জন্মের চক্রকে ৮৪ লাখ বছরের হিসাব করে মানুষকে বিভ্রান্ত করে তুলছে। পুরো কল্পের ড্রামা-চক্রের রহস্য একেবারে বিভ্রান্তিকর অবস্থায় উপনীত হয়েছে। বাবা সব বুঝিয়ে দেন। এখন তোমরা বুঝতে পার বাবা কর্ম -অকর্ম-বিকর্মের সমস্ত রহস্য বুঝিয়েছেন। সত্যযুগে তোমাদেরই কর্ম, অকর্ম হয়ে যায়। ওখানে কোনও খারাপ কর্ম হয়ইনা, এইজন্য কর্ম, অকর্ম হয়ে যায়। এখানে মানুষ যে কর্মই করুক তা বিকর্ম হয়ে যায়। এখন তোমরা বাচ্চারা জেনেছ যে আমাদের ছোট বড় সকলের বাণপ্রস্থ অবস্থা চলছে। সকলে শব্দহীন দুনিয়ায় যাওয়ার প্রস্তুতি নিচ্ছে। বলছে, হে পতিতপাবন এস, আমাদের পতিত থেকে পবিত্র করে গড়ে তোল। কিন্তু যতক্ষণ পর্যন্ত দুনিয়া পবিত্র না হবে, এই দুনিয়ায় কেউই পবিত্র থাকতে পারবে না। এখানে পতিত দুনিয়া যা আছে তার বিনাশ হতেই হবে। তোমরা জেনেছ যে আমাদের আবার নতুন দুনিয়ায় ফিরে যেতে হবে। কিভাবে যাওয়া যাবে? এই সমস্ত কিছু হলো জ্ঞান। এই জ্ঞান নতুন, দুনিয়া নতুন, অমরলোক বা পবিত্র দুনিয়ার স্থাপনার জন্য। তোমরা এখন সঙ্গম-দুয়ারে বসে আছ এবং তোমরা বুঝতে পার, অন্যান্য যে মানুষ আছে, যারা ব্রাহ্মণ নয় তারা কলিযুগে অবস্থান করছে। সত্যযুগে যাওয়ার পথ তৈরি হচ্ছে যখন, তখন তো অবশ্যই এখন সঙ্গমযুগ। সত্যযুগেই স্বর্গ এবং একে সঙ্গম বল যায়না। বর্তমান সময় হল সঙ্গম, এই সঙ্গমযুগ সবচেয়ে ছোট। একে লিপ যুগ বলা হয়ে থাকে অর্থাৎ অতি গতিময় এই সঙ্গমযুগ, যে সময়ে মানুষ পাপ আত্মা থেকে ধর্মাত্মায় পরিণত হয় এইজন্য একে ধর্মীয় যুগ বলা হয়ে থাকে। কলিযুগের সব মানুষই অধার্মিক। ওখানে সকলে ধর্মাত্মা। কলিযুগে ভক্তি মার্গের প্রভাব খুব বেশি। পাথরের মূর্তি গড়ে, যে-ই দেখবে তার মন খুশিতে ভরে যাবে। এই হলো পাথর প্রতিমার পূজা। কত দূরদূরান্তের শিবমন্দিরে যায় পূজা করতে। শিব -চিত্র তো ঘরেও রাখা যেতে পারে। তবেই তো আর এত দূরে দূরে ঘুরে বেড়ানোর প্রয়োজন হয়না। এই জ্ঞান এখন বুদ্ধিতে এসেছে। এখন তোমাদের জ্ঞান চক্ষু উন্মীলিত হয়েছে, বুদ্ধির রুদ্ধ দ্বার খুলে গেছে, বাবার জ্ঞানে তা' এখন ভরপুর। পরমপিতা পরমাত্মা এই মনুষ্য সৃষ্টির বীজরূপ, জ্ঞানের সাগর, জ্ঞানসম্পন্ন। আত্মাও সেই জ্ঞান ধারণ করে চলে। আত্মাই প্রেসিডেন্ট ইত্যাদি হয়। মানুষ দেহ-অভিমাণে থাকার কারণে দেহেরই মহিমা করতে থাকে। এখন তোমরা বুঝতে পার আত্মাই সবকিছু করে। তোমরা-আত্মারা ৮৪ জন্মের চক্রের আবর্তনে এসে একেবারে দুর্গতি প্রাপ্ত হও। আমরা আত্মারা বাবাকে এখন চিনেছি। বাবার থেকে আমরা বিশ্বের রাজ্যভার নিতে চলেছি। আত্মাকে শরীর ধারণ করতেই হয়। শরীর ব্যতীত আত্মা কিভাবে বলবে বা কিভাবে শুনবে। বাবা বলেন - "আমি নিরাকার। আমিও শরীরের আধার নিই।" তোমরা জেনেছ শিববাবা এই ব্রহ্মাতনের দ্বারাই তোমাদের জ্ঞান প্রদান করেন। এইসব কথা তোমরা ব্রহ্মাকুমার -কুমারীরা বোঝাতে পার। তোমাদের এখন জ্ঞানের প্রাপ্তি হয়েছে। ব্রহ্মা দ্বারা আদি সনাতন দেবী -দেবতা ধর্মের স্থাপনা হয়। শিববাবাই রাজযোগ শেখাচ্ছেন, এর মধ্যে কিংকর্তব্যবিমূঢ় হওয়ার কোনও কথাই নেই। শিববাবা আমাদের বোঝান, আর আমরা আবার অন্যদের বুঝিয়ে দিই। আমাদেরও শিববাবা শুনিয়ে থাকেন। এখন তোমরা বলবে, আমরা পতিত থেকে পবিত্র হয়ে উঠছি। বাবা বুঝিয়ে দেন এই হলো পতিত দুনিয়া, রাবণ-রাজ্য। রাবণ পাপ আত্মা বানায়। এসব অন্য আর কেউই জানেনা। যদিও রাবণের কুশপুতলিকা জ্বালায় কিন্তু বুঝতে পারেনা কিছুই। সীতাকে রাবণ উঠিয়ে নিয়ে গেছে, এই -এই করেছে . . . . কত আজগুবি সব কথা বসে বসে লিখেছে। যখন এসব বসে শোনে তখন কেদে ফেলে। ওগুলো সব মুখের কথা। বাবা আমাদের বিকর্মজিত তৈরি করার জন্য বোঝান। বলেন মামেকম্ ইয়াদ করো অর্থাৎ আমাকে স্মরণ করো। অন্য কোথাও বুদ্ধিযোগ লাগিও না। শিববাবা

আমাদের কাছে তাঁর পরিচয় দিয়েছেন ॥ পতিতপাবন বাবা এসে নিজের পরিচয় দিয়ে থাকেন । এখন তোমরা বুঝতে পার কত মিষ্টি বাবা , যিনি আমাদের স্বর্গের মালিক তৈরি করছেন । আচ্ছা -

মিষ্টি -মিষ্টি হারানিধি (সিকিলধে) বাচ্চাদের প্রতি মাতা -পিতা , বাপদাদার স্মরণ -স্নেহ আর সুপ্রভাত । রুহানি বাবার (পরমাত্মা পরমপিতা ) রুহানি বাচ্চাদের (আত্মাদের ) নমস্কার ।

ধারণার জন্য মুখ্য সার :-

১) কর্ম -অকর্ম -বিকর্মের গতিকে জেনে শ্রেষ্ঠ কর্ম করে যেতে হবে । জ্ঞান দানের মাধ্যমে ধর্মাত্মা হয়ে উঠতে হবে ।

২) এখন বাণপ্রস্থ অবস্থা - এই অন্তিম মূহুর্তে পবিত্র হয়ে পবিত্র দুনিয়াতে যেতে হবে । পবিত্র হওয়ার সল্লেখ সকলকে দিতে হবে ।

বরদান :- আসক্তিকে অনাসক্তিতে পরিবর্তন করতে সমর্থ আত্মারা শক্তিস্বরূপ ভব

শক্তি স্বরূপ হওয়ার জন্য আসক্তিকে অনাসক্তিতে পরিবর্তন করে এগিয়ে চলো । নিজের দেহের প্রতি বা সম্পর্কে অথবা কোনও পার্থিব বস্তুর প্রতি যদি কোথাও আসক্তি জন্মায় তবে মায়াও এসে যেতে পারে । আর শক্তিরূপ হতে পারবে না । এইজন্য প্রথমে নিরাসক্ত হও তবেই মায়ার বিদ্বের সাথে যুক্ত হতে পারবে । বিদ্বসংকুল পরিস্থিতিতে চিৎকার না করে বা না ঘাবড়ে শক্তিরূপ ধারণ করতে পারলে বিদ্ব-বিনাশক হতে পারবে ।

স্লোগান :- দয়াভাব হোক নিঃস্বার্থ আর অনুরাগমুক্ত - স্বার্থ থেকে দূরে ।